

رباعيات صاحب الجمال 5



الكتاب : رباعيات صاحب الجمال 5

الكاتب : محمد جمال مخلوف

تصميم الغلاف : محمد جمال

تنسيق داخلي : يوسف الفرماوي

مراجعة لغوية : سامح سرور

الطبعة : الأولى ٢٠٢٠

رقم الإيداع: 2019/25904

الترقيم الدولي : 6-09-6783-977-978

الناشر : السعيد للنشر والتوزيع

المدير العام : لمياء السعيد

برج الهادي - الدور الأول - 36 ش عبد الحميد الديب - شبرا مصر

0222017260 – 01550096215

elsaidpublisher@gmail.com

جميع الحقوق محفوظة للناشر

# رباعيات صاحب الجمال 5

ديوان

تأليف

محمد جمال مخلوف





إلى والديّ  
سبب كل اللي أنا فيه ، سبب وجودي  
إلى أغلى ما لديّ  
يا روحى ، ليهم روحى ، و بكل ما أملك جودى

إلى نُصّى اللي جايًا  
رغم طول بعادنا  
إلى اللي فيّا حيّة  
من قبل يوم ميلادنا

إلى الحب غير المُسَبَق وغير العادى  
إلى من سيكون الكون و أسباب إسعادى  
يا مَنْ مِنْ أَجْلِهِمْ تَلِكِ الأَرْضِ أَعَادى  
إلى (لو ليا نصيب) أولادى

وإلى ....  
و مِنْ وَعِن  
كل خلق الله

إلى روح حبيبي  
و فخر لى دائماً ، جدّى لأمى شيخ عرب مصر و القليوبية  
و عميد البرلمانيين الذى قضى حياته فى خدمة أهل بلاده القاضى العرفى  
محمد محمد عودة



# إلى العظماء أجدادى

خبير الأمم المتحدة المهندس العظيم د/ عبدالرحمن مخلوف  
مصمم أشهر المدن العربية (دبى وأبو ظبى و مكة و المدينة  
والعديد.....) و الذى طالما رفع اسم مصر عالياً أمام العالم  
الإمام العلامة الجليل الشيخ / حسنين محمد مخلوف مفتى  
الديار المصرية الأسبق و أحد كبار علماء الأزهر و صاحب التفسير  
و الفتاوى القيمة و الباع العظيم فى خدمة الدين فى البلاد  
الفقيه و الحجة العلامة الشيخ / محمد حسنين مخلوف أول من  
بدأ فى إنشاء مكتبة الأزهر وتنظيمها و وكيل الأزهر الشريف الأسبق  
و الذى قضى حياته فى خدمة العلم ووالدين  
والذين يرجع نسبهم إلى سيدنا عمر بن الخطاب رضى الله عنه و أرضاه  
يارب ابقى عظيم زيّكم و اسيب أثر طيب عظيم فى الدنيا .....

محمد جمال مخلوف



واقف بروحى واقف بطولى  
برفر بروحى فى دور بطولى  
و لا محتاج عيون بتكذب يعيطولى  
و لا محتاج وشوش بتقلب يزغرتولى

\*\*\*

#فى\_ما\_بينكوا\_ولاد  
يعنى قلوبكوا شموع تتآد  
يعنى تلغوا فكرة عناد  
يعنى مفيش فات الميعاد

\*\*\*

فى ما بينكوا ولاد  
فبلاش فكرة قاضى و جلاد  
لو نهدي حبة والله المحبة هاتستعاد  
حفاظنا على البيت ، ده أعلى درجات الجهاد

\*\*\*

فى ما بينكوا ولاد  
يعنى التسامح هو العماد  
و لو هانسامح اللى يتفات ليه بلاد  
و العند الجامح مش هايضُر غير الولاد

\*\*\*

في ما بينكوا ولاد .. في ما بينكوا ولاد  
كلامى أيوه ليكوا ، و من قبلكوا الكلام ليا  
الراجل مش قهر ، ده الظهر و السند و المسؤولية  
و السكن و الرحمة ، و الهدوء في الزحمة (في الولية)

\*\*\*

في ما بينكوا ولاد  
أرواح بتجس و مش جماد  
هاتتحاسبوا عليهم يوم السداد  
.. .. ، دول أمانة رب العباد

\*\*\*

في ما بينكوا ولاد  
يا ستات و يا رجاله  
بلاش تبقوا على النوع عالة  
و أبغض الحلال قرار الإستقالة

\*\*\*

الصورة دى فيها ١٠٠ مليون مكان  
و ألف ذكرى غير قابلة نهائى للنسيان  
فيها اللعب و راحة البال و فيها الأمان  
فيها أحلى حاجة بتبدأ ب كان ياما كان

\*\*\*

سلامًا على من يختارون كلماتهم، خشية من الجرح  
و جميع من لا ينسون مكالماتهم، سؤالهم عيد و فرح  
و سلامًا .. على من حققوا لنا ببقائهم هنا أحلامًا ، و أحباب  
تحت التراب جاؤا في منامًا  
و ختامًا .. ، دنيانا لا تحتمل خيانة .. .. إبنوا من الودّ صرح

\*\*\*

الحزن جوه الروح ده ناكل  
و القلب من غير عقل ساحل  
و مابتقفش على اللي راحل  
الحياة فعلا .. .. مراحل

\*\*\*

السعادة في البساطة  
و التعاسة في الألاطة  
و إياك تشيل تحت البلاطة  
اعمل كل اللي ببيسطك .. .. ، و لو حته شيكولاته

\*\*\*

حبك بقى ليا خلاص قدر و هروب منه مفيش  
مكتوب جوايا مايتنسيش عُمره مايتمحيش  
و لا يتمسحش ، زى طفل بيكتب بالجاف  
و الثانية في بُعدك .. .. ، سنين عجاف

\*\*\*

كل كالون و له مفتاحه  
و اللى مع الله هما اللى ارتاحوا  
الرضا ده بساطه و جناحه  
و لا يوم يكون من اللى حزنوا و ناحوا

\*\*\*

مين غيرك فرح فى حزن مخيف ؟  
من غيرك صديق و ونيس و وليف  
مين غيرك يا #أمى .. نورى و انا متغمى  
و مين غيرك بيطفى عليا التكييف !

\*\*\*

أنا ضيِّك أنا ضلِّك أنا ضهرك  
أنا وِلْدِك أنا وِرْدِك أنا زهرك  
أنا سعدك أنا حظك أنا زهرك  
أنا حلمك أنا علمك أنا جواكى أنا ظاهرِك

\*\*\*

#البنت مالهاش غير بيتها و جوزها  
د الدور اللى المجتمع فيه حقيقى يعوزها  
تحقيق ذاتها بقى ده مجرد هجص  
و كوليعة كبيرة ل #عقدة\_نقص

\*\*\*

إن الله يعطي القلب وعلبك أن تملأه أنت من الداخل  
وعليك أن تصون و ألا تخون كل اللى فيه داخل  
و ألا يكون بسهولة الخروج .. و تُشيد من الوفاء بروج  
و احذر من أن تجرحه .. و عليك أن تكون لمن فقط يسعده و يفرحه .. ، ناخـل

\*\*\*

طب خُد تعالالى .. ، كام واحد بيلالى ، عامل إنه ثورجى  
واحد ضلالى استغلالى ، من الضمير خالى ، و نحتجى  
و نفوس بقت حوالينا و الله تقرف الكلب  
و سمعنى سلام سمايل لتامر حسنى وشجى

\*\*\*

الدنيا متقسمة .. زى تقسيم الأراضى  
فاعيشوها متبسمة .. و الكل بحاله راضى  
ربنا عادل ربنا عدل  
لأ و كمان بزيادة و فضل

\*\*\*

أستغفرك .. أستغفرك .. أستغفرك  
يارب أنا فى عز ذنوبى لجأتلك  
من شيطانى اللى غوانى و اللى عمانى  
لو كنت ظاهر لو كنت راجل يا إبليس انت لأقتلك

\*\*\*

يا متمم على الأرض .. كل مكارم الأخلاق  
عشقك على القلب فرض .. يا مهون الأعباء  
ده ماحدث هاينفعلى ، لو ماكنتش هاتشفعلى  
في وقفتي يوم العرض .. يا رحمة من السماء

ﷺ

\*\*\*

أتوبيس كام بيروح فين  
و السنين عدت ألفين  
سؤال ماحدث جاوب عليه  
و لا الجهلا و لا المثقفين

\*\*\*

أتوبيس كام بيروح فين  
و عشان إيه من اللى جاى خايفين  
و على جروحنا ليه ناس عازفين  
و لا قالوا لروحنا يوم .. احنا آسفين

\*\*\*

لن تأتى عليّ لحظة في عمري لن أفتقدك أو أنساك  
فأنا من دمك و يجرى في روحى حبك و ملامحك و دماك  
ما فات من عمري يا عمري و القادم كله لك و معاك  
يا قطعة ماس .. يا أعز الناس ، يا لؤلؤ يا ذهب .. حاضر مهما ذهب  
.....، أنا لن أنساك

\*\*\*

و اكفيننا يارب فواجع الأقدار  
و بارك و احفظ حبايب و أهل الدار  
و عمّره و املاه رزق و شمس و خضار  
و ازرع جدور البركة و الستر في كل جدار

\*\*\*

دعيني أرسل لكي رسايل جميعها قلوبات  
و رغم المسافات في قلب حُضنك أبات  
و يسقط الندى على الزجاج حبات  
و نحيا كما الصغار بدون أى حسابات

\*\*\*

العُمر لحظة و الموت في لحظة  
و العين على الحياة طالعة مفرجلة و جاحظة  
و يابخت اللى ، مع الله تملى  
و روحه بالجنة في الآخرة تحظى

\*\*\*

أول ما شفقتك قُلت سبحان من خلق  
أهى دى اللى عمّلت لكل عشاق الأرض كمين  
من بره وردة نادية ، من جوه بيئة شلق  
من جوه ابن شناكل .. من بره ميرفت أمين

\*\*\*

الحنين .. الحنين .. و آه من الحنين  
بتروح لمين يا عم الحنين  
للى سابك يوم حزين  
هاتشوف مرار .. .. لازم تكون عاقل رزين

\*\*\*

حاسبها لله .. .. حاسبها لله  
كل اللى عملنا الخير بزيادة معاه  
و لا شوفنا منه أى تقدير بالعكس نساه  
و ماخذناش .. غير جرح لفترة عاش .. و كل قساه

\*\*\*

٥٠ مليون كوباية شاي .. مع ١٠٠ مليون بسكوته  
من غير ليه و فين و ازاي .. بيخلوا حالتى فوق المبسوطة  
من غير حوارات .. من غير حكايات شوراع و حارات  
و اهى دى حياى و حكاياتى و كل دى الحدوته

\*\*\*

يا دوب بتكة .. تخليك فى إيديها تدوب  
ليها مليون سكة .. عندها مليون أسلوب  
إبليس يسقفلها .. و يبات كمان مغلوب  
إياك تأمن لها .. .. «المرأة اللعوب»

\*\*\*

شيطان و مش شايْفُه .. لابس توب حَمَل  
بيعمل عشان هدْفُه .. أرخص ما يُتَعَمَل  
و ييجى رغم أنفه جَر .. الضحية على أمل  
في تخزين كل عمائل الشر .. المرأة اللعوب جَمَل

\*\*\*

من جاور الحدّاد ينكوى بنازُه  
و قلبى اختار البعاد و هو ده قرارُه  
يا بير خيانة و قسوة و غدر كان فاكره دارُه  
عاشرْتُه و عشقْتُه و كنت هاموت و لا عرفتش أرازُه

\*\*\*

الندم مليون قلم  
على وش .. كل اللى بيخون و يغش  
على روح .. اللى بيستسهل يروح  
و عدل ربنا فى الألم . .. جرح بالمللى اتقسم

\*\*\*

لو بتدوّروا على السعادة و كنوز المال  
ارضوا هايراضينا .. و هانسى الويل  
خدوها كلمة من بابا صاحب الجمال  
جوه كل حد فىن ١٠٠ بابا نويل  
«هاتبقى لوز ...، إنت بنفسك إنت لنفسك ساتتا كلوز»

\*\*\*

تجارب تجارب تجارب  
و ناس تقاتل في ناس تحارب  
و ناس تسيب الباب يا دوب موارد  
و الخبرة و تقوى الله تبنيك بين كل دة ١٠٠٠ قارب

\*\*\*

عكس عكاس .. عكس عكاس  
الدنيا ديا عكس عكاس  
و كله هايشرب من نفس الكاس  
و الكسبان اللى يوم خان الأمان ، بكرة انتكاس

\*\*\*

الزعل النفسى بيتحول عضوى  
و النور بيطفى يبطل يضوى  
و الثانية فى سنين بتفوت  
و العايش يتمنى الموت

\*\*\*

#هما\_مالهم\_بيننا\_ياليل  
ده كان زمن الحسد الجميل  
هيثم يا ابن عمتى.. دى نفس أزمتمى  
فى مجتمع بقى مريض عليل

\*\*\*

ده بقى مالهم ليل و مالهم نهار  
شئ غريب عجيب ده مش هزار  
و منين نجيب يا ليل بال طويل  
.. ل ناس بتزيط كده بالزرار

\*\*\*

كلنا مجاريح .. كلنا مجاريح  
قلبنا من الوجع مش حمل ريح  
الله لا يسامح كل اللى كان فى حد جارج  
و كل قاسى لَواع مش واضح صريح

\*\*\*

الدنيا دايرة على الناس سواقى.. و دوام الحال فيها محال  
و الخير طوق النجاة الباقي.. و ياويل اللى أكله مش حلال  
ده مفيش مهرب من التلاقى.. من عملك مهما الوقت طال  
هيتسقى باللى سقاه الساقى.. يا ناجى، يا باكى على الأطلال

\*\*\*

اللهم احفظلنا هنا كل الأحباب  
و افتح لإجابة دعاءنا كل سما و باب  
يا قادر بكن فيكون على كل البشر و الكون  
و صاحب الأقدار و شمس الدار و مسبب الأسباب

\*\*\*

كفاية أكلاشيهات .. و روتين محطوط  
كفايانا متاهات .. عمرنا بيفوت  
لازم نعيشها ننعشها  
تعالوا في ودن الحزن كلنا نقول تووووت

\*\*\*

باحلفلك باللى رَفَعْتَهُ للسمما فوق إيديك  
باللى بصيئله بشوق .. و انت قلبك محروق.. و نزلت دمعة عينيك  
و كل الناس و الوسواس و الهموم كل يوم عليك  
(ها تُفَرِّج عليك) .. ها تُفَرِّج عليك

\*\*\*

أنا و ابن عمى بنساعد الغريب  
و انا و الغريب بنساعد الأغرّب  
من كان في عون العبد حبيب  
ساعد... .. تبقى إلى الله أقرب

\*\*\*

ابعدوا عن الأحزان قد ما تقدرُوا اهربوا  
و العبوا رياضة و مياه كثير اشربوا  
ماتضييعوش وقت مع الناس من ربنا قَرَّبُوا  
و خدوا بالكوا من الوسواس ماتمشوش وراه تجرَّبُوا

\*\*\*

و بعدين .. و لو تدركوا كلمة بعدين  
و مين و قتها هايْسُد الدين  
و ماذا بعد .. .. ،  
و مين هينفذ يومها الوعد

\*\*\*

تفاءلت بالخير فا وجدتك  
و انا هافضل أحبك زى ما وعدتك  
و مين ده اللى مايحبش جنة !  
كان نفسى أنولها .. .. فا دخلتك

\*\*\*

إنما بُعثت لأتمم مكارم الأخلاق  
ياللى داخلين فى الإنحطاط سباق  
ناس غريبة ..! بتضحكوا على مين بس بالزيبية !!?  
دين الإسلام ده برئ منكموا باتفاق

\*\*\*

مش هاقولكوا نكران الجميل حاولوا تستحملوه  
مش هاقولكوا الخير خلاص بطلوا تعملوه  
و لا فى البحر بعدها زى ما بيقولوا ارموه  
ربنا و بس الأساس .. مش الناس .. فى اللى بتعملوه عاملوه

\*\*\*

انسانى ياريت انسانى  
و اعمل فيا و لو مرة عمل إنسانى  
أنا مش هاينفع ابقى معاك ، و لا عينيك فى السكة مونسانى  
ماشوفتش منك غير كل هلاك .. ، و الفرحة معاك فعلاً نسانى

\*\*\*

القلب بجد غير .. العين تجيب إغماء  
الخد أرض حرير .. صافية كما الماء  
النية بيضة خير .. الطلة رزق السماء  
دغة يا بخته اللى ها تحبّه #شيماء

\*\*\*

كل واحد و اللى يقدر يتحملة و ظروفه  
و كل قلب على قد قلُّه و خوفه  
ربنا رحيم بعباده .. و كل شىء محسوب بميعاده  
و ربنا الأحلى لينا بيشوفه

\*\*\*

وحشانى وحشانى وحشانى  
يا عُمر من أول و جديد معيشانى  
بعيش عشانك مش عشانى .. يا فرحى لو الهم حشانى  
و انى أنساكى و اكون مش معاكى يوم .. حشانى

\*\*\*

معجنة .. ماشيين عايشين في معجنة  
دوشة و روشة و مفيش طرب أشجنا  
و كل واحد داس على التاني و جنى  
و مفيش مضمون كل حاجة مهجنة

\*\*\*

لو من تُقل ال فاتس عليك .. بان عليك  
لو ليك فيك كالوريز  
ماتشتشكيش و تزودّ واحد في الناس اللي عيطة  
اخربها عادى في الأكل بس البيبسى يكون دايت  
و ان كنت متختخ خالص ا لابس مايقفلش عليه  
قول لكل واحد ربيع : يا عينى محروم من الأكل ليه  
مئُّ على الدنيا لو حتى بتنهج إنك راقص باليه  
متخليش حد يقولك : يا مجدى يا تخين ، طب و ليه !

\*\*\*

و بشوقك .. عيش بشوقك  
و البيبسى «دايت» على ذوقك  
و بشوقك عيش بشوقك  
و ساعتها هايجرى سوقك

\*\*\*



و اكفينا يارب شر الفواجع  
و حزن في قلب ناحل و واجع  
و مُر كلمة ده راح مش راجع  
إيماني بيك ده في قلبي ناجع

\*\*\*

الدنيا تلاهى .. الدنيا مشاغل  
و لا غيرك البال لاهى .. إنت اللي البال شاغل  
طول مانت بخير أنا بخير  
إنت حياتي و همى يوماتي و كل الشغل الشاغل

\*\*\*

يا فرح شاجى .. يا ألوان و ورود و زهوة  
يا قلب بيعدل مزاجى .. و لا ١٠٠ فنجان قهوة  
مين غيرك احتياجى .. و احب و اعشق و أهوى  
يا حزن عليا بيحاجى .. و ما بيغفلش سهوة

\*\*\*

يا ناس في غرفة الإنعاش ، يا شعب محتاج لإفاقة  
ماتعملوش سعر لكل أبو بلاش  
كفاية تشهروا الكاكا

\*\*\*

ما محبة الا بعد عداوة  
و لا مصيبة الا بعد غباوة  
و مفيش جراح غير ليها اللي داوى  
و مفيش رياح على طول .. ، لازم هداوة

\*\*\*

ربنا بيقوّى .. ربنا بيقوّى .. ربنا بيقوّى  
ماتخافش من اللي جاى و تقول أنا إيه هاسوّى  
و لا أى كائن حى و لا أى خبيث متلوّى  
ده فى عز حر الهموم عليك بنسمة فرج هايهوى

\*\*\*

يا قلب و طلعله بنى آدم  
يا بانى فى الخير و مش هادم  
عمره ما كان على حبه نادم  
ناسى القسى و عليه رادم

\*\*\*

خلى بينك و بين أحلامك طول أيامك باب موارد  
لو همومها زادت عليك ماتسييش إيديك خُد استراحة محارب  
مش كل حاجة بتيجى سهلة و فى حاجات مستاهلة علشانها تحارب  
و الإيمان باللى حاضر و اللي جاى و اللي كان ده كل المحارب

\*\*\*

ويأها جنبها و معاها  
بيسيب الناس قلبى و يفضل قاعد معاها .. و يميل هواه على هواها  
و عليها أغير و فى سماها أطيّر  
دى طابع حُسن و غمّازتين فى دنيا عاهة

\*\*\*

يا رب انا مش ضامن لو عملى هاينفعلى  
يا رب بدموعى ندمان و تعبان و بادعيلك  
لو عملى مش مقبول حبى ليك يشفعلى  
وقت رجوعى لما تطلب روحى و أجيلك

\*\*\*

#كثير\_بشتاق ل شوراع الزمالك و مدرسة آمون  
و كامنا و نور العين و واتس ناو و شجر الليمون  
و الراحة النفسية و احنا عيال أيام العيشة بالبركة  
و مافيش من الجاى خوف و الوقوف عند بركة

\*\*\*

لحصص ألعاب مستر جمعة و حسام شعبان  
و انام فى حصة مستر جورج عامل تعبان  
و حركات تانى فيها استهبال .. بس بأدب  
و لما الملح ميس إقبال .. الواحد اتربع

\*\*\*

لنفسى و انا كل سنة طالع من الأوائل  
و الواد اللى بيغش منى و بالمسطرة ناقل  
و اللبس المخالف آخر يوم فى الامتحانات  
و اشوف فى عينى صاحبتى أحلى البنات

\*\*\*

كان الواحد صغير بس حر مش متأييد  
و أكبر مشكلة عنده ازاي يزوّغ من عم سيد  
و مفيش هجص تنمية بشرية و اصنع مجد و شيّد  
كان أحلى مجد (مجد القاسم) .. كنا كل خميس بنعيّد

\*\*\*

إيه اللى بكره راح يصير  
الخوف من المجهول حصير  
بتدى أو تاخذ بقشيش .. صابح على ريش .. أو ع الحصير  
الكل سواء نفس المصير

\*\*\*

فى وقت الضيقة الغريقة و الزنقة  
فى عز الشدة و السكك المتسدة و الخنقة  
خليك مع رب الأسباب .. قادر كريم ما غاب  
و عن باقى و كل الأسباب خليك عنها بمنأى

\*\*\*

حاسبوا .. ..

يا ١٠٠ مليون مصرى حاسبوا

علشان عليها هاتتحاسبوا

و حاولوا عليها أوى تحافظوا

و ده مش كلام انا حافظه

\*\*\*

هاتتحاسبوا .. ..

على كل شبر و فتفوتة

فى حساب ربنا بعد الموتة

و يا ويل اللى حسابه ما حاسبه

حاسبوا .. .. ،

\*\*\*

يا ام العسل من القلب سايل

يا كل أملى ومنايا إنتى حلمى

ما تقطعيش ما بينا الرسايل

و تعى اشربى الشاى معايا فى حلمى

\*\*\*

الحسبنة

لو بس يفهموا الحسبنة

توكيل لله من مظلوم .. دعوة تخلى الظالم يعوم

فى نار فى الثانية مليون سنة

\*\*\*

قالوا الجمال سمار  
أنا قلت لا ده دمار  
شامل و جيش تستعمار  
الجمال فيه عمار

\*\*\*

قالوا الجمال سمار  
أنا قلت لا ده مرار  
القلب بيحلّيه و تملّى بيخليه  
صاحيله ليل نهار

\*\*\*

الله يا سمرة الله يا قمرة  
يا عاملة لروحي ١٠٠ عمرة  
يا ناهية على قلبي و أمرة  
يا عيون تسكر من غير خمرة

\*\*\*

مفيش نظام بقى حد ليه خاضع  
حلواني ماشية و ده الحال و الواضع  
و يا شعب من الإهمال راضع  
لازم لك مليون قانون رادع

\*\*\*

مش كل كوب من البلاستيك  
ينفع .. .. و يكون صالح للشرب  
و القلب اللى إحساسه أستك  
يوجع .. .. و غير صالح للقرب

\*\*\*

فاقد الشىء يعطيه و نص و ثلاث تربع  
فاقد الحبيب ده غريب و نفسه يرجع  
فاقد الإحساس صعب قلبه القاسى يدمع  
و فاقد الناس مايعوضوش فلوس بيجمع

\*\*\*

يا حجر كان فى الهرم مرصوص  
بقيت على الشيشة دلوقتى مرصوص  
من شعب على القهاوى مرصوص  
و ماكنش ده اللى عليه منصوص

\*\*\*

ياما فى الحب مظالم .. و ياما فى القلوب جروح  
و ياما برئى و ملاك لئيم .. و غدار ورا مصلحته يروح  
و ياما جرح فى قلب قديم .. و ياما حاجات بالوقت تروح  
و ياما فضفضة قرار مش سليم .. و مشاعر ل مش شاعر لوح

\*\*\*

داين تدان مافيهاش فصالة  
ناس بتملى من الذنوب حصالة  
هايروحووا فين من عدل الدنيا  
دى الدنيا ديا أوضة و صالة

\*\*\*

يا رب باستغفرك بعدد نبض قلبى إستغفار  
يا رب مخنوق أنا من ذنوبى و دى فار  
يا رب كاره شيطانى و بينى و بينه إستنفار  
يا رب مطرة هدايتك تنزل تغسل فى قلبى كل العفار

\*\*\*

كنتى

نافذة ليا على الحياة .. و بلكونتى  
قلب منايا أعيش معاه .. و مجنونتى  
و أنا ليكى كنت طوق نجاه .. و خونتى  
فا ببساطة بدون معاناة .. هونتى

\*\*\*

الكل فىنا موجوع متألم  
للفرح إحساس جوع بيلملم  
فبلاش كآبة و سلبيات تتعمم  
و يا ريت نشر الإيجابيات لا تكمم

\*\*\*

مجنون أيوه أنا بيكى مجنون  
و عاملك فى قلبى شرع و قانون  
و سامعك بروحى طيلة وقانون  
و شايفك كل النسوة و حرف النون

\*\*\*

خسارة مع خاين أى دقيقة واحدة فى كلام  
دا مفيش لغدار أى عتاب و لوم  
المركب اللى تودى و سكة ال مليون سلام  
و ب لغة اللى أعداء «شالوم»

\*\*\*

و يالى قلقان و خايف.. ربنا حتى اللى ما بان برضه شايف  
من غير ما تشكى من غير ما تحكى هو عارف  
و بأمره الفرح راجع تانى لىك و لافف  
و هاتبقى من السعادة غارف

\*\*\*

الدين مش بس صلاة و عبادة  
#الدين أخلاق و ضمير و ريادة  
بتشتغلوا روحكوا و الله يا سادة  
يا عالة على الدين عايزين إبادة

\*\*\*

في عشق لون #الشعر\_الإسود  
و جماله و هدوئه كالليل الهادي الأسمر  
بوصلة قلبي و روحى ليه تحود  
باتفتفت مليون حته و حته أنا بتدمر

\*\*\*

يا مستعجل على الجواز يا مسروعة على الخطوبة  
يا لابس في لوح إزاز يا متزحلقة في طوبة  
يا فاتح شبايك و إزاز في عز شهر طوبة  
و أكم من تفاحة حمرة طلعت معطوبة

\*\*\*

لو عايزين تتهنوا و تتهنوا و تتهنوا و تتهنوا  
يبقى واحدة واحدة واحدة واحدة كده اتأنوا  
و بلاش قلبكوا ده يسوق عقلكوا كده غصباً عنه  
أهو ده مدخل شيطان الحب في الغُلب و ملعبه و فُنه

\*\*\*

موت الفجأة بقى مرعب بقى مريب  
اللهم أسألك قبل الرحيل الترتيب  
و اجعلنى ما أكون أعمى .. ارزقنى يا رب حسن خاتمة  
و لا توجع قلبي على حبيب

\*\*\*

و على سبيل المثال لا الحصر  
#التنمية\_البشرية في مصر  
هاتقول ( أنا غنى ) ١٠ مرات  
بيتك البسيط (يا حضرة العبيط) يتحول قصر

\*\*\*

و يا دنيا عايزة من تانى تتفرمط  
ليه الطيب فيكى بيعانى متمرط ؟  
العيب فينا مش فى الدنيا  
و احنا اللى בניجى على قرمط

\*\*\*

يا رب اجعلنى محافظ على الصلاة  
و اجعلها عادة و عبادة متأصلة  
و الشياطين تسيبنى فى حالى و لا تزيئلى مالى  
.. .. و اجعلها منى متنصلة

\*\*\*

ده بجد و لا هزار .. و لا أنا بحلم، الله أعلم  
دى فى عز النهار .. باشوفها ولا بدر متمم  
و باموت أنا و بنهار .. ، لو بعد الشر تتألم  
و مايطلعش النهار .. غير لو فتحت عيون #مريم

\*\*\*

يا ناس عايشينها فى الصراع مسابقة  
و فى الشر ليكوا ١٠٠ ألف مسابقة  
أهل الخير هى بس اللى مسابقة  
«و ما عند ربك خير وأبقى»

\*\*\*

كنت قد كل حرف فى كلامى .. كنتى فى عيوى تنامى  
كنت من غير شروط ، و قد المسؤلية  
و انتى كنت نمرودة .. و راجعة فاكرة فيها عودة  
عارفة الموت ؟ .. .. أقربلك ليا

\*\*\*

اللهم قَرِّبْ مَنْاَ الناس السليمة السوية  
أم القلوب البيضة مش مريضة  
و الناس اللى من الغل ع الآخر مستوية  
ابعدهم و معاهم الناس البغيضة

\*\*\*

املوا كل الكون بالورود .. فَتَّحُوهم بالابتسامه  
و صونوا بينكوا كل الوعود .. و فى الزعل حلوة الملامه  
ده اللى بيننا النهارده موجود .. جايز فى ثانية يغيب ما يعود  
و مانشوفهوش غير يوم القيامة .. فا أحسنوا مع السلامة

\*\*\*

أنا اللي عايشها مرجحة .. لو مهما قالوا اللامين  
و رغم الناس المجرحة .. عيونى فى الضحكة عايمين  
و مشاعرى تملى مصححة .. و لو قلوب الناس نايمين  
و رغم الضلمة مفتحة .. مانا برضه زهرة ال #ياسمين

\*\*\*

أصل جمال الشكل فى ألف داهية يروح  
لو كانت ثقيلة الروح  
المهم و الأهم .. خفيف الدم ..  
و المال و الجاه .. عمر ما قلب اشتراه .. و لا روح

\*\*\*

عند ربنا .. عند ربنا .. عند ربنا  
الى ادناله من قلبنا .. و ماصانش عيشنا و ملحنا  
الى عملنا معاه كل خير .. و ماشافش فى شدة منّا تأخير  
و شوفنا احنا منهُ و شربنا جرحنا

\*\*\*

لما اكتفوا فجأة اختقوا  
لا صانوا عهد و لا وفوا  
لا سامحوا و غفروا و لا عفوا  
و لما اتسألوا عن حينا .. .. نفوا

\*\*\*

عملت إليه لما كنت الوحيد معاك في أى أزمة  
ده ماكنش ليك غير إنك تاخد بال\*\*\*ة  
خلاص خِخلصنا .. ماعادتش تنفع أى حُسنى  
ماكنش لك من الأول لازمة

\*\*\*

كسبان دنيا و آخرة أبو قلب طيب حنين  
دى الرحمة لصاحبها و الله مركب نجاة  
و معاه من ربنا ليه ملاك حارس متعين  
ده كافر دخل الجنة بس عشان كلب سقاه

\*\*\*

آخرة خدمة الحب من غير عقل علقه  
و وجع فى الروح و جروح لا تروح و خنقة  
و سكين حنين و أشواق سارقة  
و هاتتحرق و هاتتفلق مليون فلقه  
( آخرة الدلقة )

\*\*\*

الحياة مدرسة أيوه بجد مدرسة  
و الناس بنتهرى و بتجرى ورا بعض فى الأسى  
و بنعمل معروف كتير و بنلقى كله اتنسى  
و مافيش حد ناجى غير اللى عالخير رسى

\*\*\*

الإقساط .. يخرّب بيت سنين الإقساط  
و اللى اتمرعوا على اللى اخترعوا الإقساط  
نفسى أهرب منها على بساط  
و أنا هابقى فى قمة و فى منتهى الإنبساط

\*\*\*

تعازيننا .. .. تعازيننا .. خالص و كل تعازيننا  
فى ناس .. مالهاش من التربية أساس .. بنت لذينة  
و أقبح حاجة حوالينا و الحاجة الشاذة بتبان زينة  
و اهو ده اللى بيغلب و اهو ده اللى بيتعب و آذينا

\*\*\*

ألف سين ميم همزة عالسطر  
الإسم فى البطاقة مكتوب #أسماء  
و العُمر و الأيام بييجروا زى القطر  
و القلب مليون طاقة من الأرض للسماء

\*\*\*

و اخد فلوس الدرس .. رايح بيها الكافيه  
قابل أبوه و كان بيشفوف شغل فى نفس الكافيه  
آدى المعاناة .. و ادى المأساة  
شوفتوا الجحود ؟ .. شوفتوا الإيفيه !

\*\*\*

داين تدان .. خليها حلقة في الودان  
و ربنا بيسلط أبدان على أبدان  
و للعدل لازم وقت و أدان  
و لو الظلم جار على ميت فدان

\*\*\*

لو كان عليا أجيبك كل الأفراح .. على كتفى عتالة  
و اشيل عن قلبك أى جراح .. و أى أوجاع محتالة  
و أقسى عليكى يوم ؟ لا لا .. و أبعد عنك ؟ دة محالة  
و أجيب القمر و الشمس كماله ♥ و أقدم م الدنيا  
استقالة

\*\*\*

أيامنا ديا .. لو تعلمون لينا هدية  
في أقل من الثواني علينا معدية  
و كلنا في نفس المركبة و المعدية  
و الله ماتستهال و لا ليها أى دية

\*\*\*

الحزن لو يوم زاد.. قرقشوه  
و مودكوا لو كان جاد.. فرفشوه  
و طريقكوا لو متاهات.. رجلشوه  
بالألش و الإيفيهات.. إفرشوه

\*\*\*

أنا عمري كام؟ لو قلت ماتصدقوش  
أنا عمري لسه ما حسبت هوش  
باكبر سنين لما آمن بنى آدمين و تطلع فاشوش  
و باصغر سنين مع قلب طيب فرفوش

\*\*\*

ما تستعجليش تلبسى الأبيض  
و تقولى إمتى اليوم ده ياه  
كل شىء بأوان .. كل شىء بميعاد  
و الأعمار دى بإيد الله

\*\*\*

من عملك فى الدنيا قصاد الناس  
من أعمالك قدام الجميع و الكل  
هاتشرب و حدك من نفس الكاس  
و من نفس الطبق اتفضل كُـل

\*\*\*

ماتستنوش قيمتكوا فى عين حد  
و التجارب كتيرة جداً .. و لا بتتعد  
و لكل وقت أدان بيدن .. فعلاً بجد  
و المشاعر من غير عقل .. حارة سد

\*\*\*

ياللى بتقول الطيبة و الصح مش بياكلوا عيش  
دقيقة واحدة عندك .. استنى  
هاقولك أنا الحقيقة واحدة واحدة بشويش  
يا سيدى خُد عندك .. .. بياكلوا جنة

\*\*\*

مش بالعزوة .. مش بالعدد  
كل ده المجتمع هايعمل إيه بيه  
لو كان بنت .. أو ولد  
اللى يخلف بنى آدم بعد إذنكوا يربيه

\*\*\*

سؤال جاوبنى عليه .. أومال ربنا بيععمل إيه  
خالق الكون ده و ما عليه  
فا سيب كل واحد يعمل إالى يحلى ليه  
و يابخت إالى ربه بيرد ليه

\*\*\*

مفيش حد تملى مرتاح البال  
و كتير كلام إتقاللى و المحنة غربال  
و ربنا بيقوى ولو شاييل حمول جبال  
وغنى عن اللى بيلعبوا على كل الحبال

\*\*\*

إلى فى سنك دلوقتى فاتحين بيوت  
ده كلام ناس فاضيين و سكة  
و مافيش تروماى و قطر جواز بيفوت  
و على فكرة مش فاتحين عكة

\*\*\*

يا كل و أجمل نساء العالم و الهجرة  
يا أنثى لا تُنسى لو عيشت و مُت ١٠٠ مرة  
يا صاحبة جمال الملامح و قلب طيب غير جراح كالنسمة ع القلب مارة  
و جمالها من جوه أحلى كمان ١٠٠ مليون مرة

\*\*\*

عارفك بعدى بتعانى و فى دماغك مجنونة  
و يالى كنتى فاكرانى حاجة سهلة مضمونة  
خلص بنا الكلام .. و هاسيبك كده و الأيام  
دواير تلفيها .. و دوخينى يا ليمونة

\*\*\*

الإيمان مش بس صلاة .. الإيمان مش بس عبادة  
الدين كمان أخلاق و سلوك  
و هاتظلم و الضمير خلى .. و تركع على السجادة  
برضه فى جهنم معكوك

\*\*\*

يا كل حياقي الجاية .. و ذكريات الصبا  
عشقك ده نور ل عينا .. و حلال فيه الربا  
ماليش فى حبك دية .. مشاعرى ليكى مرعبة  
ما إنتى أجمل هدية .. جاية من السما #هبة

\*\*\*

و هاساعدك فى شغل البيت  
و هاتعيشى معنى جديد لكلمة حبيت  
و فى وقت الندا تلاقينى لبيت  
و مع اللى يضايقك و العدا تلاقينى إتغابيت

\*\*\*

إسلكوا يا تهلکوا  
كل اللى من صنعکوا .. كل اللى من قلبکوا  
و اسألوا إلی قبلکوا  
ده لافف و راجع تانى لکوا

\*\*\*

يا اللى مابتکملوش سترونج لمدة يومين  
و مليانين عقد و نقص و محرومين  
عارف کتروا .. و ابقوا سلمولى ع المترو  
و ييقى يهشلکم القطط قاسم أمين

\*\*\*

عن الشايب عن العايب عن العيب  
عن الست عن البنت عن الحبيب  
عن الراجل عن الولد إلی بیغیب  
و عن شوراع وسط البلد وقت المغیب

\*\*\*

لیه یاحبیتى من غیرك بعانى  
و مفیش فى حبك حاجة منعانى  
لما إنتى شاریانى و دم شریانى  
أحضانك إمتى تبقى سابعانى

\*\*\*

سیبوا الناس من غیر أذى نفسى فى حالهم  
یا شعب مریض و بغیض غلاوى  
هما هایزیدوا فى نجاحهم و ربنا هایزید جمالهم  
وإنتوا هاتزیدوا فى البلاوى

\*\*\*

یوم ماجیت دنیا.. .. عید میلادى النهاردة  
بغیر إنى أبقى شخص صالح أنا عمرى ما أرضى  
و للشیطان.. و للحواجز و الحیطان.. أنا أول المعارضة  
و هدف حیاتی برضاك یا رب مش هایبجى فى المعارضة

\*\*\*

ما هية هية و الله هيه هيه  
يا ناس ورا المال ملهية  
البركة في حلال المهية  
إلى عن الحرام منهية

\*\*\*

ماصادفتش قبلك في شكلك في سخافة ردودك  
ربنا نجاني و عافاني ياللى كنتى تملى قفلانى من برودك  
عارفة إنتى عايزة إيه ؟ يا شىء و مش ندمان عليه  
تلاتين قلم على خدودك

\*\*\*

لو ربنا مش غضبان عليك .. كل مشاكل الدنيا تهون  
إرجع بالسنين وغمض عينيك .. و اتحول خليك كرتون  
و انسى اللى ابتدوا بالبعد .. و الدنيا إياك تعاندها تهرطم  
و براحتك عيش مع عمو فؤاد .. و عم شكشك و بوجى و طمطم

\*\*\*

أنا إلى عايشة مستنية الفرح و نعيمه  
و إلى ماشية متمنية الرضا الله يديه  
حياتي ببساطة متعاشة .. على قدميه  
مبهجة ملونة زى الفراشة .. و اليأس غريمه

\*\*\*

تحذير .. .. ، بحبك على باب الوزير  
و ما فيش في حبك محاذير  
و أنا اللي في العشق و الغرام ، قالوا عنّي زير  
تبت عن كل الحرام ، كشيّتي ملكي و العسكر و الوزير

\*\*\*

شُرب الميا الكثير مش لعطش الصيام حل  
ده مش شيء جواك هاتشيله و تخبيه  
(يا حمار افهم) إنت كده هاتخليها حل  
.. .. هاتصحى كثير تعمل بيب بي

\*\*\*

ليه الطريق و احنا رايعين قصير .. و احنا راجعين طويل  
ليه القلب يعيش حياته متحير .. و الصبر يعيش عليل  
و الواحد فينا مسير و لا مخير .. سؤال تفكير فيه كثير  
بس الحقيقة المضيئة لا تتغير .. الله شايف و كلّه خير

\*\*\*

و مهما وقت عدّي و فات راجعين  
و لا عمّر هاتموت حاجات ساقها الحنين  
و لا ننسى أحلى و لا ننسى أغلى البنى آدمين  
إلى بكل خير.. و حاجات أحلى كثير.. جوانا معلمين

\*\*\*

و عشان بحبك بقلب و روح و كيان باتعب  
و عاملك تاجى و سيد سيدى  
و لسه انا بتعب و إنت بتهرب زى التعب  
برغم إنى ماددلك إيدى !!!

\*\*\*

فكرة إنك روح منى جامدة جداً  
و لا أجمد .. و لا أروع .. و لا أحلى  
باشكر عليها ربنا مع كل أدان بيدن  
ده أنا كنت غرقان فى الوحلة

\*\*\*

لو بنشيل الحلو لكل اللى كانوا فى ماضينا  
كان اللى جاى هايراضينا  
و ماكنش قاضى السما .. ، يوم القيامة و الللممة  
«هايقاضينا»

\*\*\*

حِسّوا .. حِسّوا .. حِسّوا  
و ياريت من برود المشاعر تخسوا  
و اتقوا الله فى كل كلمة بتقولوها  
و بلاش السم فى العسل تدسوا

\*\*\*

مابتقدّرش مهما القلب عطاها .. حلة و لقت غطاها  
طيور و وقعت على أشكالها  
الحاجة ماتجريش وراها .. الحاجة ماتجريش وراها  
و بجد قوللى ، من جمالها !!!

\*\*\*

فى ناس بتغيب .. و معانا لسه قاعدين  
ليها سحر بجد غريب .. و إن كانوا عننا باعدين  
ماتقولش عنهم حبيب .. و حبيب مع بعض متواعدين  
ده الوصف فعلاً عجيب .. لو هاوصف أنا و أحكى فى #نادين

\*\*\*

وراء كل راجل عظيم ، واحدة ست  
بس عاقلة ، حبيبة و أم و أخت و بنت  
هى الناقلة ، اللى تقول له بيك آمنت  
لو تسيبها بعد ده كله تبقى إتجننت

\*\*\*

يا رمضان .. يارمضان .. عاش من شافك  
و أكثر كمان .. صلاة التهجد ، و التراويح  
بالأحضان .. بالأحضان .. واحشنى حُشافك  
و جو الأمان.. يا شهر رزق و بركة مُريح

\*\*\*

لا يوجد تفكير.. المخ فردة بانص  
هنا انعدام ضمير.. لحمة مغشوشة بأصانص  
كنا بلادى بلادى .. لكى حبى وفؤادى  
دلوقتى الهانص فى الدانص

\*\*\*

وعد الله حق و هو خير الوعود  
و افكر الغاية و النهاية و فىن راح تعود  
ده مهما عليت يا ابن آدم وةعليت و عدت حدود  
مكانك و مرساك فىن ؟ .. هاترجع و فىك يمص الدود

\*\*\*

الجمال إالى فى الكون ملئ  
الأعلى و الأعلى و الأهلئ من الحلئ  
ضحكتها دى على الزيرو .. مش مستعملة  
حد مافيش فى المستوى غيره .. و لا تانى زى # بسملة

\*\*\*

ليا فىكى كتير مآرب  
دانئى قلب و روح و قارب  
و الله غيرك أنا ما حابب و لغيرك انا ما أحارب  
و من غير إيديكى و الله ما شارب

\*\*\*

كان عمري ليكي لا أقل و لا أكثر  
و رغم قلبك ضلمة شفتك شروق  
يا شيطان وعازني في صيامي أفطر  
و عامل لي فيها قال مياه و ضوء

\*\*\*

ربنا بيُرد .. ربنا بيُرد .. ربنا بيُرد  
على كل واحد في إيدنا بيعض  
بدل ما يقابل المعروف بالمعروف  
بدل ماي قابل .. .. عمال يصد

\*\*\*

مفيش مشاعر و لا قلب شاعر .. حته أولاحة  
و لا خفة دم و ده الأهم .. منتهى الكلاحة  
أنا مش حبيبيك .. ، و نصيبك ها يصيبك  
هاتعيشي مع اللي شبهك و هاتبقى أكيد مرتاحة

\*\*\*

الحلو لسه ماجاش  
الحلو متحوّش ، الحلو ليك متعان  
من أعمالك متحاش  
و الفرح هايكوّش ، و الله المستعان

\*\*\*

على مين الملام ؟ على مين الملام !  
إلى بيحصل ده ماسموش كلام  
إلى بنشوفه ده ماسموش إعلام  
شوية شوية يقولوا أخبارهم «من داخل غرفة الحمام»

\*\*\*

أنا اللي بقلب وعُمر أى لحظة حُبِ مُشترى  
أنا اللي رأيي على أى كلمة حلوة منهم جرى  
أنا اللي روحى من غدرهم و من الحنين بتتهرى  
و سلام سلام و بجرحى بانام و لا من شاف و لا من درى

\*\*\*

أنا عايز أكمل نص دينى  
أنا عايز بس .. إلى يراضينى  
ياخد حنيّة و هوى و يدّينى  
و ل الجنة سوا يعدّينى

\*\*\*

شمسية

أعمال الخير المنسية  
من التعب و من الشر و من الآسية  
بايدينا للنجاة مرسية .. أعمال الخير المنسية

\*\*\*

الزهق

أرخم شيء في الكون اتخلق  
فترات كثير مرت بيّا .. إبعد عن أى طاقة سلبية  
خش مع النجاح في سبق .. ، إعمل للإحباط قلق

\*\*\*

يا واحدة كنت حلم ليها تبقى معايا زفتها  
يا واخدة حياتي سوّديتها و لعنت يوم معرفتها  
دوقى من كاس المواجه ، و عن رجوعى أنا مش راجع  
ما بالحسش حاجة تفتّها

\*\*\*

المشاعر بين القلوب أخذ و عطا  
و القلوب رغم المكتوب ستر و غطا  
و المكتوب لازم ندوب  
و احنا لينا غير بعض مين في الفرحة و المرمطة

\*\*\*

بنت أجمل من النسيم و ريحة الضحى  
قلبها أبيض سليم كلها كما الرحى  
لسه فاكر اللى ياما عليه سُهَى  
لسه صافية رايقة .. لسة وقيّة باقية .. لسه #نهى

\*\*\*

كفّة .. .. ،

و ما بين الجنة و النار هاتطب كفّة  
بادعيلك ألقى من حسناى إلى كفى  
يا رب ألقى شيطانى من وسوستى كفى  
و أنا تايه فى الحياة فى مليون لفة

\*\*\*

هاتضيق الدنيا أكثر و أكثر بيك  
و مش هاتلاقى فيها حتى خرم  
طول مانت سايب اللى فى ايديك  
و باصص لغيرك إنت يا ابو صورم

\*\*\*

يا من استولت على القلب باستحواز  
و سافرت بالشرايين بدون جواز  
يا فرحة أتت للعين أصبحت العزاز  
من أجلك انت قررت الجواز

\*\*\*

نصيبك قاعدلك .. نصيبك قاعدلك  
نصيبك باختصار لابد لك  
لو إنت مستنيه قيراط هو ٢٤ قبل منك  
و إيديه الإتنين فاردلك

\*\*\*

قدّمت السبت مع الحد لحد الخميس  
و دخلت البيت من الباب عايز أبقى عريس  
و صحيت من الحلم مش على العِلم ، على الكوايبس  
كنت فاكرك ملاك طلعتى هلاك فى صورة إبليس

\*\*\*

لو الدنيا دى خابطانى ب ١٠٠ لطفة  
و لو أحزاني واخداني ل ١٠٠ صدمة  
هافضل برضه مش سائلة و باللى جاى متفائلة  
و هافضل بنت بمليون بنت عشان #فاطمة

\*\*\*

### القرآن

عمر ما حد عليه هان  
أعلى إحساس بالأمان  
سبحانه .. منه عِلْم و طمّن و ريح الإنسان

\*\*\*

قلبي على جحودك و قسوتك و برودك داس  
فات على الأحزان و مر و عبّر  
و راجع.. عايز أنسى المواجه.. على أى أساس ؟  
كان فيه و خلص كان زمان و جَبَر

\*\*\*

سواقى سواقى سواقى  
عارف الأيام سواقى .. و الحق عند ربنا باقى  
و لو مهما كان الداء .. الخير مش يروح هباء  
و عنده مصلحتى و راحتى و دوائى

\*\*\*

بأمانة و بمنتهى الأمانة معظم الرجالة بقت حيحانة  
على أى حاجة آخرها ت مربوطة  
على كتف أو على سمانة  
( الحمد لله الذى عفانا )

\*\*\*

الدنيا ساعات.. و كلنا أموات ولاد أموات  
و مين قطر العُمر ما داسش عليه و فات  
وشوشنا هاتتغير و هاتملاها التجاعيد  
و يابخت اللى فى قبره أول ليالى العيد

\*\*\*

أنا إالى قُلت خدت وش القفص  
و أتارى كله كان تفعيص  
و مين ما اتعلمش و اتقرص؟!  
تجارب.. .. مش موضوع عويص

\*\*\*

إنسوا اللى ساب بوقاحة و الهجر  
وفوزوا بالثواب و الراحة و الأجر  
ده أحلى وصال و أجمل خصال  
فى ركعتين .. فى سجدتين .. صلاة الفجر

\*\*\*

أجمل ما قيل فى الغفران  
صدقنى لو أخطأت ألف مرة ما تركتك لغريب  
و لا يوم هيبقى الحب هان  
و لو عُمر ما شمس العشرة و الغلاوة بنا راح تغيب

\*\*\*

و ما عند ربك خير و أبقى  
يا اللى عايشينها فى صراع و مسابقة  
يا اللى واخدينها بالدرع و ليكوا ١٠٠٠ سابقة  
ويا اللى زرعت فى الخير و لو نبقة

\*\*\*

قام النبى لجنائة يهودى رغم ما منهم عاناه  
و محدش فينا عارف صحيفته و لا ميزانه بإيه ملاه  
للموت حُرمة .. للموت حُرمة  
إتقوه جلُّ علاه

\*\*\*

و حتى تحترق الدهون  
ولا عمرك عليا في يوم تهون  
لو عوزت القمر ، لو عوزت الشمس  
هايتجاب ليك .. .. بس قول نهون

\*\*\*

ياللى عنيت .. ياللى قسيت  
ياللى من القسوة والوجع إتسقيت  
يا طيب يا شهيم يا جدع ، أنا جيت  
أقولك « بينيلك في الجنة بيت »

\*\*\*

بلاش ننسى إنسانيتنا  
بلاش نبقى عالم (نتنة)  
أوصيكم ونفسى بتقوى الله  
دى الحاجة الوحيدة إلی هاتغيتنا

\*\*\*

اللى قالوا شافوا في الدنيا أحلى واحدة  
بيكدبوا .. .. ده إدعاء  
دول مش هايقاوموا و لا هايتماسكوا دقيقة واحدة  
لما يشوفوا عيون #دعاء

\*\*\*

الدين المعاملة الدين المعاملة  
يا ناس متدينين و شيوخ عاملة  
و فى قلة الذوق ليها ١٠٠٠ عاملة  
و فى أكل الحقوق الجريمة كاملة

\*\*\*

ماشيليش أنا من اللى فات .. عدى اللى راح و نسيت جراح  
مش مستاهلة أى قساوات .. دنيا دقيقتين بعدين مرواح  
و قلبى شايلى طابير مسافات .. و الرواح جناح .. و الكون براح  
و معاكى يا دنيا مفيش خلافات .. و مافيش لدخول اليأس سماح

\*\*\*

يا رب يا رب يا رب يا رب  
ما استحملش منك أى لحظة غضب  
عارف ذنوبى كثير و ميزان ضعفى طب  
يا رب يشفعلى فعلى و لو مرة كنت أكثر واحد حب

\*\*\*

الخير قاعد .. الخير متشال  
علشان عند ربنا العال  
ولا يتحرك من مكانه ، لو مهما كانوا ، الناس أندال  
زى ما ملازم الكتف الشال

\*\*\*

الناس اللى كل شىء بيستوقفها  
الناس اللى تعب الأعصاب لاقفها  
نصيحة من واحد أرض التفاصيل لافها  
إرمى ورا زهرك و اكرفها تلقى الأفراح غارفها

\*\*\*

آه يا أهل الخِدَع و البدع و الحماقَة  
آه يا شعب الهرى و اللت بطلاقة  
آه و آه و آه .. يا خوفى من اللى جاى وراه  
يا بلد بتعمل سعر للكাকা

\*\*\*

يارب سايبلك وحدك الترتيب  
يا قادر على كل تعبَانِ تَعْلَب و ديب  
حسبى و وكيلى .. حسبى و وكيلى  
و عارف حقى عمرك ماهتسيب

\*\*\*

ماتخلوش الطاقة الموجودة و الحماسة  
تشيل الإنسانية فينا و تجيب خسارة  
ده حتى الكلاب فى قلوبها رحمة  
يا ترى كده مين إلى فيه نجاسة؟

\*\*\*

لكل أجل فيه ميعاد و كتاب  
و يا بخت إلی لحق نفسه و تاب  
اللهم حسن الختام وقت السلام  
و لا أكون من إلی خسر و خاب

\*\*\*

كلام الليل .. ليه سحر مخصوص  
مش مدهون بزبدة .. ده بصويا صوص  
يمشى وراه الواحد يلوص .. كما ولدته أمه بلبوص  
و يطلع عين اللى جابونا ، و آدى كل الزيتونة .. و آدى الخلوص

\*\*\*

و عند الله تجتمع بكره الخصوم  
إلی بيصلی و إلی بيزي و إلی بيصوم  
دى عبادات لله تعالى ، دى فروض لله تعالى  
بس حقوق الناس دى كوم

\*\*\*

شوف وصلنا و بقينا فين  
دى (هَبَّتْ) بجد من الطرفين  
طب نعمل حساب يوم ما هنلقاه  
ما كلنا رايعين طب هنروح فين!

\*\*\*

من عاب إبتلى  
و بنفس العيوب بالمللى اتملى  
لو عندك وقت فاضى كفاية تعمل قاضى و هرتلة  
يا هناه إالى فى مصحفه تلا

\*\*\*

أنا عايز بس أعيش فى هدوء  
مش عايز من كل أنواع الشهرة أدوق  
أنا كل طمعى البال يروق  
ووأبعد عن أى مكان.. مفيهوش أمان.. موبوء

\*\*\*

ظلمنا ما بنّا الحمار.. بنهرى و نلوك  
و مافيش لغة الحوار.. بنزرع بلوك  
وصلنا لبعد القاع .. و قاعدين نحك  
فى أغوط تانى من كدة !!!? .. .. أشك

\*\*\*

القرآن علاج لمن كسرت الحياء قلوبهم  
القرآن دواهم و شمسهم و هواهم و توبهم  
القرآن بيوتهم و حيطانهم و طوبهم  
و الذنوب هى إالى هاتتوبهم

\*\*\*

يا نجمة نورها زغلل عينا  
ساكنة في سمايا ، طَلَّة في الروف  
ليه لما جت تطولك إيديا ؟  
نطيت ليكي فوق ، جالى غضروف !

\*\*\*

يجمعنا يوم حساب .. يجمعنا يوم قيامة  
و هيشهد ع اللى ساب .. و على كل ظالم ياما  
يوم لا تنفع ندامة  
و دمعة المتساب و دمعة المظلوم تتحول لإبتسامة

\*\*\*

لو كلمت نفسك زي ما بتكلم حد بتجبه  
هاتفرك جداً .. هاتفرك كثير  
إنت قلبك و روحك على وش العادة هاتقبوا  
الفرح ها يدن .. و هاتطلعوا من البير

\*\*\*

اللى يفارق يفارق  
و بجملة المفارق  
و الوقت إالى من عمرنا كان سارق  
و إحساس مع ناس و لا عمره كان فارق

\*\*\*

كفايانا عك .. كفايانا عك  
رباط أخلاقنا ليه انفك  
والمبادئ باديئ ذي بدء  
مش مضروب فيها حتى مفك

\*\*\*

السيرة أطول من العُمر  
السيرة أجمل من البنات السُمر  
السيرة أحلى من الخدود الحُمر  
السيرة بتكسب على طول زى الشياطين الحُمر

\*\*\*

لابد من صلاح الحال حتماً يوم أكيد  
و دَكرٌ .. افضل قول و اشرح و عيد  
و اضرب بكلمة من حديد ، بلين قلب مش كلّه و عيد  
و لا يصح في النهاية و لا يكون آخر الحكاية إلا السديد

\*\*\*

حابس حابس .. حابس حابس  
ده اللى بيمشى ورا شيطانه أكثر واحد لابس  
حنفية بلاوى مغرقاه مالهاش محابس  
أعوذ بالله من الشيطان إلی بیتخابث

\*\*\*

كلنا أموات وولاد أموات  
ماحدث واخذ ملايين و لا ألوفات  
و من راجع الحسابات قبل ما الوقت فات  
أهو ده اللى فاز.. أهو ده الإنجاز.. و فى الجنة بات

\*\*\*

بما يرضى الله و بعدل الله و بحق الله  
كل واحد مصيره من أعماله هيلقاه  
كل إالى شيطانه .. خلانا نشوف قطرانه  
مش هيحصد فى الآخر غير زرع شقاه

\*\*\*

ليه لما قلبى عليكى رسي .. قلبك قسي .. و عليا جان  
و أنا كنت ليكى خاتم سليمان و فانوس أحلام وةكنت جان  
زَرَعْتَ فى أرضك الفرخ ، و وقت الحصاد و الطرح  
حفرتى ليه جوه روحى الحزن .. بمئوار البتنجان؟!

\*\*\*

هات يا زمان العجب هات  
فى كذب كثير و فى تابوهات  
و نفاق و تطويل و هات فى شابوهات  
و تطرح كوسة و تطرح بطيخ و بلح أمهات

\*\*\*

أنا قلبى صبح هَش  
إبرة فى كوم قَش  
بعد ما كان يساع الكون مليون بالمرح فَش  
مستغرب .. و الغريبة و الأغرَب .. أنا قلبى عمره ما عَش

\*\*\*

المشهد عند القمر من فوق  
بيزيد الإحساس.. و بيعلى الشوق  
و بيتنسوا الناس.. و البال و الحال بيروق  
و من نفس الكاس.. ( المحبة ) حبة حبة.. الروح بتدوق

\*\*\*

الضربة لو مش بتموت بتفوق  
فا متقدش على اللى فات تأوء  
بلاش القلق وعيد ترتيب الورق و وروء  
و استعن بالله طريقك الجاى تلقاه متزوء

\*\*\*

سؤال جه فى بالى فى التَّو  
بعد ماشفت حرارة الجو  
إتأملوا الحياة معايا ، هل دى البداية ؟ ، هل دى النهاية !  
هل ده جزاء أعمالنا السَّو ؟؟

\*\*\*

قولولهم الحرام عمره ما دام  
قولولهم يبصوا دقيقة قدام  
داحنا أموات ماشية على أقدام  
و يا بخته اللى لحلاله خدام

\*\*\*

حُط فوق راسك .. صون و احفظ المدام  
دى أهلك و ناسك .. و الغريب عمره ما دام  
عمودك أساسك .. عينيك إيديك و الأقدام  
و قمرك و نأسك .. طب تكون لغيرها مين خدام!؟

\*\*\*

إغلط و إستغفر إغلط وإستغفر و ما تياسش  
باب التوبة لحد القبر لسه ماتقفلش  
و لسانك حصانك و الفارس اللى غير الخير ماقالش  
و ان صونته صانك و يا ريت تكتّر حبة في الألس

\*\*\*

أنا قلبى فى حبك متسول  
لو مهما كان هارجع و أحبك م الأول  
و أكثر من زمان مين قال الوقت بيحوّل  
أنا عندك قاطع مهما الأيام بنا تتطوّل

\*\*\*

و بعدين .. ؟ و لو تدرکوا کلمة بعدين  
و مين و قتها هيسد الدين  
و ماذا بعد ؟ مين هايشوف حزن و مين هيدوق سعد  
و مين هاينفذ يومها الوعد

\*\*\*

يا طير يا طائر فوق إرمى السلام  
أنا قلبى كلُّه شوق بعدد الأيام  
الدنيا عندى فى سوق .. خلاصة الكلام  
سلفنى جناح يا ذوق .. و لأجل ما أظير للأحلام

\*\*\*

كله متشاف كله مرصود  
و اللى عمره ما ربنا خاف كلُّه مردود  
وعد الله حق و أحق الوعود  
فا صونوا العقد فا صونوا العهود

\*\*\*

بحبك من زمان جداً و بذيع البث مباشر  
مش لسه من النهاردة بث تجريبى  
و من غير ما تُحكّمش على حد قبل ماتعاشر  
مش ممكن أرضى بغيرك إنت حيبى

\*\*\*

طب مين أعلى منك يا حبيبي في الروح أرسمه  
ياللى غيابك عن القلب بيحزنه و الله و يقسمه  
و الله ما كان في جمال عيونك لما كانوا يتبسموا  
يا رب اجعلهم في أجمل مكان ويا الملائكة يتنسموا

\*\*\*

شعب ما بيصدق الناجح يغلط علشان يطع فشله عليه  
و كأن كده بالأسلوب ده شيء هainجحه و هايعلّى فيه  
و بأمانة ، ناس غلبانة .. و التريند يومين و يترمي زى اللبانة  
و الناجح ناجح و الفاشل فاشل و يبقى الحال كما هو عليه

\*\*\*

القلب عبّى و الدنيا تاعبة  
و الناس على الأحوال لاعبة  
محتاج لدعا عند الكعبة  
و يتقال هناك الى إتخبّى

\*\*\*

حتة حديدة .. حتة حديدة  
بقي كله شغلّه الشاغل حتة حديدة  
و مافيش في حياته أى حاجات فعلاً جديدة  
يا ترى الشكل ده هنعيد إنجازات كانت مجيدة

\*\*\*

و هذا من قبل الرسائل و الدين  
صورة و كلمتين من ناس بتهبد و معقدين  
يا ناااااس .. الحضارة مش فى اننا نمشى من غير لباس  
و لا دى عقدة و بتزن تزن تزن تزن زى الوسواس

\*\*\*

أقدام عايزة تنزل فى الدنيا تبقى موجودة  
هاتمشي فيها طول بعرض و لفترة محدودة  
و سكك الخير مفتحة.. و سكك الشر مسدودة  
و فى النهاية مروحة.. و من جديد تانى مولودة

\*\*\*

إحنا فى زمن غش و ضلال  
واكلين حرام و ماشيين فى ضال  
و إالى بيقول كلمة فى الحق  
بيعيش فى صراع و حرب و نضال

\*\*\*

يا بنات كده خَرَف كده قَرَف  
ليه ده إالى إنتوا وصلتوْهُ  
و ما الذنب إالى الواحد إقترف  
علشان فى الضلعة تطلعوْهُ!؟

\*\*\*

آسف لو كلامى كان ليكم نفخ  
كفاية بلالين هارين فيها نفخ  
فين الطبيعى بقيتوا كلكوا فخ  
عايزين بشبورى فى وشكوا بخ

\*\*\*

أسمى المعانى جنس البشر هانها  
و عن #اليوم\_العالمى\_للصداقة  
أصحاب و قراب عملوا من بنها  
و وقت الشدة بشدة سافروا بالناقة

\*\*\*

إضحكوا

و على الأحزان إضحكوا  
و بلاش على أبو بلاش و إالى يعكّر نفكّر و ندّور  
ده الفرحة مسلكه.. إضحكوا.. ده الضحكة بتتور

\*\*\*

إحساسى بيكى لا يمكن يتحول  
لا يمكن يا أمى فى يوم يقرب  
دنا هارجع أحبك من الأول  
و لو عملتى فى إيدى ساعة و لو اتحدفت ب ١٠٠ شبشب

\*\*\*

دنیا مدوّرہا رب ، و میزان العدل طَب  
و بالنسبة لى بيدور جواك من أسئلة  
العدل جاى جاى ، هاتشوفه و انت حي  
بس ل الوقت الصبح حاجتك متأجلة

\*\*\*

الفراق .. و تعب إلى اتغلب من الفراق  
بيغيبوا و ياخدوا من القلب ١٠٠ ألف راق  
ده كابوس يتمنى الواحد لو منه صحى و فاق  
يا رب صبرنا على بعاد الغاييين و على الحنين و الأشواق

\*\*\*

فى عينكى بشرب قهوتى و افطر و اتغدا  
و عيونى بعينكى بالليل امشت.. و معاها ع القمر إتعثت  
هاحتاج إيه تانى كده إتعثت  
أنا قلبى معاكى كده عدى .. غلبتيني بالضحكة المرتدة

\*\*\*

و ما أدراك عن ما يسببه كل معدوم مشاعر و ضمير خان  
يترك قلب اتعشم بالزهر يندلع به نيران العالم و دخان  
و أما عن صدمة و كدمة و عتمة الغدر  
وجه شاحب معتم دامس.. فى أحزان طرق النسيان غامس..  
كان متشاف بدر

\*\*\*

و عند الله الخلاص و المتسع  
كل الراحة و الاأمان من وسع  
يا عالم بياكل يدمر في بعضه  
يا كوكب خلاص فعلاً لسع

\*\*\*

البنـت مش زى الولد  
البنـت دى أم الولد  
لو صالحة تلقى ظهر و وتد  
كل العالم مش هاقول بلد

\*\*\*

البنـت .. الست هانم .. الأميرة .. الملكة .. البنوتة  
بتدى الحنان و بتدى الأمان من غير حساب ع النوتة  
دى إالى بيها تحلى ، الأيام و الرحلة ، كل الحدوتة  
إياك فى يوم ، تسيبها للهموم ، و تنام مكبوتة

\*\*\*

#البنـت

حبيبة و أم و أخت و بنت  
راحة فى التعب .. قوة للى اتغلب  
طفل تلعب معاه لو اتجننت

\*\*\*

البت نص حياة  
البت بجد فارقة  
لو صالحة طوق نجاة  
تنجيك من غرقه

\*\*\*

البت مش محتاجة وصاية  
ده ربنا كرمها تكريم وصاية  
احنا اللي عايشين ماشيين بدماغنا  
و الله دا حنا لينا العصاية

\*\*\*

#الأخت .. الأخت .. الأخت ..  
الراحة عندها .. لو من هموم الدنيا دى دوخت  
كُن السند لها، ظهر من كل شىء فى الدنيا كفاهها  
و ماتنساش و هى معدّية فى البيت تقوم تديها على أفاهها

\*\*\*

#الزوجة

دى الشريكة.. إلى تعدل فى الحياة العوجة  
تمسح الهمم بأستيكة.. طوق نجاة وقت الموجهة  
و ساعة المر، دى النوجهة

\*\*\*

وراء كل راجل عظيم ، واحدة ست  
بس عاقلة ، حبيبة و أم و أخت و بنت  
هى الناقله ، اللى تقول له بيك آمنت  
لو تسيبها بعد ده كله تبقى إتجننت

\*\*\*

البنات و الست و المرأة و الأنثى... #النساء  
دى الغالية دى الحنية السائلة دى المؤمنة  
نور شمس حياة الصباح ، دفا حُضن و نَس المِسَا  
الصالحة منهم مش الطالحة ، الشيطانة الموسوسة

\*\*\*

مين اللى قال مكتوب علينا الشقا  
إفهموا دين ربنا مرة صح بقى  
إمشوها سليم تعيشوا فى نعيم  
من الولادة ل يوم اللقا

\*\*\*

ماتندموش لو فيكوا زائدة أوى الحنية و الطيبة  
دى مخليًا رحمة ربنا منكوا قريبة  
و لو بقيتوا وسط ناس غريبة  
دى مانعة عنكوا أكثر من مليون مصيبة

\*\*\*

و لا يذهب حلماً .. و لا يذهب علماً  
استودعته الله  
و لا يذهب همماً .. و لا يذهب غمماً  
غير و خير و راه  
و لا تذهب أشياء .. و لا يكن الفراق  
غير و معاه دواه  
و لا يطول السلام .. و لا يحلى الكلام  
غير و حبيب رواه  
\*\*\*





صاحب الجمال، محمد جمال مخلوف

#جAMA

مهندس اتصالات (عمل بالعديد من شركات الإتصالات  
متعددة الجنسيات) - businessman - شاعر ، كاتب ( عضو  
اتحاد كُتّاب مصر) -رَسَّام - Designer & creator .  
أعماله:

رباعيات صاحب الجمال «1» (يناير 2016)

رباعيات صاحب الجمال «2» (يناير 2017)

رباعيات صاحب الجمال «3» (يناير 2018)

رباعيات صاحب الجمال «4» (يناير 2019)

كتاب «شرفة حلمى» عن الفنان أحمد حلمى و ديوان  
«رباعيات صاحب الجمال» 1 ، 2 ، 3 ، 4 ، 5 و أخرى (رسم  
وتصميم غلاف)

صاحب الجمال الأصلي أبويا.

